

霜

紅

龕

集

霜紅龕集卷十二

陽曲傅山青主

五言絕句

古意二首

乾坤卽有郎不可郎無妾請郎腰下劍看妾頸上血
郎有萬里行不得隨郎去郎若封侯歸一盞醕儂墓

題自畫竹與楓仲

一心有所甘是節都不苦寥寥種竹人龍孫伏何所

題自畫蘭與楓仲

幽德不修容放意弄水石香隣無藩籬喜逃人採摘

題徹上人扇

畫我白蓮花換若紅蓮藕妙法互權實佛性各含有

題酒人適畫

酒人瓶正罄有客勸丹青呵凍寫寒色臙脂一滴醉

題獨枝牡丹

太真含玉魚朝倚沈香欄繡領張家燕青蓮應見酸

題墨牡丹

何奉富貴容得入高寒筆君子無不可亦四素之一

梅

何必林和靖幽情口不期蘆溪人去已寒韻寓瓊枝

真正少而貴知希亦何方亦幸生北土未極於濫觴

失題

幾株老杏裏山塞小茅亭柳陰不密處微露側峯青

霜紅龕集卷十二

霜紅龕集卷十三

陽曲傅山青主

七言絕句

黃壚

黃壚短阮偶來賓
領取松香細細醺
睡起綠天口口眼
南窗關住一峯雲

紅葉樓

古人學富在

一作屬

三冬癩病難將藥物攻
江泌惜陰乘

月白傅山

一作橘翁

徹一作長

夜醉霜紅

僧院芍藥

評唱松枝塵漫歌老僧淺語示娑婆一叢芍藥清涼地
開較城中日數多

足夢中句

除夜新開五色雲飛仙欸乃玉樓聞赤曇雲素衣霄漢
不是懷中正錦文

意中人行

玉蓮冠子渲雲層雪襯霞裙蘭氣生淺黛暈矐矐不語
海棠花底弄哀箏

怨詩行

春雲薄薄雨絲絲偎著鑪香想別離奩鏡鋪排怕梳洗

低低嘯學四聲兒

小鳥名嘯聲堪聽

河邊

沮洳河邊春澤灣
踏春女兒行步般
深紅帘尾輕搖雪
淺渲雲頭重度山

臨街樓上

臨街樓上材官家
抹額元綃紫髻衰
白馬少年樓下過
關窗滴瀝弄琵琶

子夜三首

鳳嘴紅燈照錦屏
夜深軟語勸歡聽
憐歡恩愛因儂重
儂勸儂歡誦佛經

爲歡解黏解不成誤將綺語結無明小團祕密聞回向
並蒂蓮花願往生

不肯編排打扮儂鏡旁諜駕鸞春風道儂無復當憐處
恭喜儂歡天眼通

宮詞二首

官家行幸祕書樓親把縹緗幾部抽黃絹斜封題御押
內宮捧出翰林讐

影娥池上泛龍舟簫鼓聲留高樹頭怪得蟾光明似昨
算來此夜是中秋

七夕

悵望天青漢水光
雲鬟風袖動微涼
要知無限相思意
不是人間空斷腸

梅房

碎屑沈香不惹塵
水簾冰簟切相親
平分一榻羅浮夢
鞦韆搖來都是春

小溝怨二首

風輕河柳淡黃蛾
淚拍無聲懊惱歌
草綠秦淮驕紫亂
幾家香閣試春羅

布裙不是倚門妝
深雪寒爐下小窗
早解春風不作美
提筐抱甕有糟糠

元日雪二首 戊寅

地寒愁是見花遲
素蘼東風作細枝
沾脣畫閣屠酥酒
徹骨青氊池草思

弟勸兄酬爲覺寒
輕瓊低舞近春盤
一年水旱應無準
明日新晴早起看

新月

晚臨銀漢爲誰顰
金縷迢迢度結璘
料得別來三五日
瑤臺新有畫眉人

月畫

月畫槐枝作老梅
離奇一筆拂窗開
解衣畫史三更醒

夢自羅浮香裏來

亭亭怨七絕

芍藥乾嬌不會歌
亭亭低唱撥琵琶
著意調歡歡不采
傷心悔作小山花

怨殺風魔道士談
無情無禮脫歡鞵
共聞歡笑道歡喜
儂察聲音是惱來

惱得儂歡不理論
催吹燈炮悄開門
儂才擬暮西山雨
歡已先朝南浦雲

歡就要行儂好扯
恨無一語對儂呀
東牀會有憐香老
深抱雲娘打大家

懊儂家住淞河傍九曲河渠九曲腸一曲恨郎遣我去
爲郎八曲計踉蹌

也想援歡不分援呪教風雨打前村打轉郎來儂不禮
仰仰冀冀就儂溫

歡再來時儂行觴不彈不唱顰青楊但拈一句新語好
天壤之間有王郎

僧房芭蕉

平陸作

僧房不許坐娉婷髮髻樓雲照眼青斜月窗窗修玉立
撩人怕是綠摩登

青羊庵三首

庵在峨嵋山南面松林中又名七松廡

芟蒼鑿翠一庵經不爲瞿曇作客星
既是爲山平不得我來添爾一峯青

纓松絡柏絮團涼紅葉樓頭雨氣香
山下村屯看不見山南山北響淙淙

幽花爛漫鬪春暉庵主扶藜啟石扉
暎雪團團山薺蔔香風陣陣野薔薇

元日齋中坐雪二首

壬午

新春新雪早開花簾捲冰龕煮舊茶
片片飛環書架舞一林文翰玉生芽

一望西山玉立臞春風小蕊佐屠酥
樹頭樹底娟娟舞

絕勝梅花一萬株

程生二首

華髮程生吹洞簫一聲兩聲不肯高生怕陌頭好楊柳
明春三月嬾抽條

月中流韻過南村定有蓮華卷葉聞應念龍鍾老簫史
吹來孤雁落行雲

代妣妣贈程生二首

憑著鸛簫老不拏輕輕唱亂髮邊鴉兒郎儘有秦淮曲
聒殺巫山夢越遐

年少休言玉倚葭一寒一暝惹人嗟春秋多厯情能老

霜葉眞紅二月花

爲楊穉卿畫扇戲題二首

畫詩放肆牋支濃幾筆離奇一朶紅
岡北蓮花不離眼
長條楊柳蕩春風

垂楊攬定木蘭舟
遠採蓮花岡北頭
多少鴛鴦飛不到
一絲寒露踏深流

好客

好客頗同香火會
清談總是鷓鴣辭
不如枕上尋生計
午夢酣時花影移

失題

淵明賞菊千峯翠張旭題詩一道煙夢裏人聲咽去也
歸來依舊月當天

失題

風花霧柳怨分明勉一攤書老眼瞪無可奈何難字過
羲僂漫引杜先生

社鼓龍王鬧野雩殘書拋却杖還扶愁無角牴酬花眼
誰好麀槽俯竈觚

綿羊生片美于酥踏破神州園裏蔬世界人俱羅教授
東垣何處賣葫蘆

赤箭長牙大戟紅射干鋒利不張弓虎撐有待千金翼

甘草三分與衆工

蘆芽秋雨白銀盤香簞天花膩齒寒回味自聞當漱口
不知瑤柱美何般

藏孤山上好松華別一蘑菇雋老牙嫩脆葳蕤和露摘
椒油芍藥妙無檀

篆籀龍蚪費守靈三元入會妙先形一庵去卓無人境
老至才知不識丁

柏高純氣與天關充塞虛空足不般萬里雲霞渾實地
逍遙蜚遯在天山

黃庭中人衣朱衣丹竈微微火候幾功到九還龍虎會

鈞天宮徵五雲飛

子山遂有不能安五字回還苦海瀾此意從來誰解得
懷沙惜誦久開端

二月羊皮戀老頭龍鍾看著杏花羞夕陽山色深松好
布裹皴皮一衲休

臨泉片甲委泥沙猶帶難馴性莫拏小憩每依簾下立
藥行認作紫梢花

連朝好雨綠山川挂杖欹危看種田樹下一眠消午飯
搖樓打砵也神仙

隄行二首

霜醉河灘草面領西山一帶紫
繁嵐老人冷性耽秋豔
紅樹看看翳小庵

金蕊三稜紫芥蘇野荳黃菊粉
蕊姑一張秋錦萼無賴
帶水連隄五色鋪

三道河二首

三道河邊春可憐桃花一曲起
紅煙老夫不解先生樂
日日偷閑學少年

燒春野老醉桃花花底酡顏隱
壽麻黃鳥一聲紅夢醒
半鐺石壁碧雲茶

崛峴石磴

石磴鳴筇戛磬微松風輕拂綠琴徽芒屨拾級穿雲鳥
一徑天西是峴巔

崔相

洵山無口慙如羊歌舞黃囊自帝江崔相卅年曾不道
聰明眞不在文章

聽吳歌

醉後參橫舊晉墟將軍明晦事何如吳歌子夜隨人聽
獨自傷心越絕書

崑山絃子水晶簫花月春江槩漫搖哀思縈迴清客夢
大風愴耳倩誰撩

宿水

空中不會起波瀾
觸沸魂亭一沼酸
爲讀屈平騷不盡
汨羅江汜到心肝

題龕

一夢箕陵自曲肱
離家萬事總如冰
龕中老母眞吾佛
心擬龕前日月鐙

口號十一首

江南江北亂詩人
六朝花柳不精神
盤龍父子無月露
縈攪萬衆亦風雲

遺民胷中無半人
謝安王坦勞其存
有唐雲叟不識字

友誼區區屬李振

太原人作太原僑名士風流太寂寥
榆次頗諳有孫盛
昭餘不信產溫嶠

莊生原不是荒唐只爲天才莫敢當
匠石有斤須得質
五車惠子亦多方

有我讀書苦殺我無我讀書喜殺書
編心小膽自有分
公道終當屬老夫

今古風流論不勝門庭蕭索足深情
此時久已非東漢
猶喜區區黨錮名

犯禁微登議劫樓雲章琅象駭凡眸
龐眉道士詒單紙

高尚眞書鵞尾收

高尚名歸義士羞只緣人見彼王侯
鉤除巢許嚴陵老
隱逸眞堪塞九州

六朝人物景宗豪競病詩驚瘦沈腰
口角若無曹植氣
筆端爭似呂虔刀

雲間兄弟自高才道眞聾老不聞雷
長柄胡蘆休怪問
何如不向洛中來

晨鐘當地徹心涼太白崔咸淚兩行
枕上冷醺三白酒
一天明月雪和霜

題松上舞鶴

萬里雲霄忽倦飛
龍鱗偃蓋早知歸
風來隱隱陶洪景
靜對軒軒丁令威

晉祠雜詩五首

濛濛陰霧濕如泥
隴阪雷轟燥老脾
藥餌方書停處婢
春風花酒鬧吳姬

瞿塘日日下驚濤
萬里春風打毳毼
華霧樊川清月暗
關心啼破小櫻桃

穀雨西風日夜號
山河花柳壯鈴韜
老人不動旁觀火
秦策何妨作魯皋

霧柳羅花老眼瞠
雲陶穩睡撥鷄鳴
晉祠三日無吟興

只憶觀瀾智勇生

茅亭自得陶公筆盡日光芒動白虹
山澤不煩通地氣片雲時起墨花中

挽梁節婦五首

決絕芙蓉不避霜倒飛紅影墮寒塘
玉欄千葉蓮花現不是人間粉黛香

一歲孤兒早不提寒泉乾淨綠淒淒
吹簫分外加憐惜碧血生苔詎忍泥

風雨陰森插白虹菱花水底照雌龍
東京五噫梁家婦就向要離塚傍封

菱花碧血黯愁雲泥裏金釵小鳳分殘月不明孤雁叫
銀牀風雨倚湘君

冰鱗雪甲五湖通菩薩深口願力中龍女抱珠高放下
爭迎霜節入龍宮

失題

夏靡已作有窮靡二國收餘復爲誰口口恢功且休論
伯明讒子實天機

豎拂揚眉望已登還思吟詠掇詩名西方得錄宗師棒
東國偏遙亢父亭

借畫爲賓從絕句

柳湖詞客妙丹青
吹落簪頭幾片零
飄渺三林三十乘
留連點綴故人情

村居雜詩十首

鄭重聞聞偈子賡
奈何荷葉捲多情
左來不是純音地
落得風聲雜水聲

簾前五色好花屏
省得風憐萬里暄

起二句一作繁華簾外四時榮夾霧

和煙不著名

妙在色塵真不礙
秋毫能見作麼生

老人曳杖出門去
布襪芒屨不怕泥
行到前村石橋上
春冰映綠柳條齊

草亭雙柳淨檀欒
秋雨沈綿綠影寒
村酒養和剛一盞

不知何物是鯢桓

强獎村亭似畫圖寂寥尋取興頭扶陰晴不住煙嵐過
眞个雲山湧坐隅

檀欒水蓼能秋寒病葉離披一翦殘留得梢頭紅穗子
蘸脂楊柳隔窗看

芒履蓑衣去摘花雪霜璀璨滿輕車歸來莫帶愁顏入
紅樹林中有酒家

饕餮蚩尤婉轉歌顛三倒四眼橫波兒童不解霜紅語
書到先秦弔詭多

從來老筆不降錢不信於今會點鉛提確確提紛衆妙

休教野鷺入雲煙

無端筆硯業緣多不敢胡塗說換鷺這爲世情難決絕
鷺書終日替奔波

卽事爲沙溝住持本空書綾

一擔秋黃結萬緣從他口裏辨酸甜擔頭空了輕輕放

切莫矜誇滿口鹽

雪崖曰本空同十二人事禪師某道成各立禪宗卓錫沙溝以無字疏募

先生書其上訂方外交嘗以桑樾問先生使者沿途食人僅貽空擔故有此作末題本空要字卽與書之

點污八首

爲魏龔作

點污冰絲杼軸寒馬頭娘子怨傷殘眼花手顫連朝守

合作三山杏櫪丹

榆莢連錢總不虛，乞教升斗好相於。
誰家牆上遮塵土，識業聊當守募疏。

離頭筆觜凍痕穠，挨得春風過短牆。
葛屨故人霜怕了，渭城嬾復逐兒郎。

天津橋上弄猢猻，弄罷深深各閉門。
歎地杜鵑啼滴血，燕山真有未招魂。

傀儡提罷憶煙雲，香豆科芽想殺人。
大鹵城中蒼鵲亂，磕瓜漫擊髯參軍。

北平不合姓當塗，十畝桑閒影遂孤。
象掙誰能連鬢摘，黃童雖謔惹盧胡。

蒿艾叢生涸殺魚蕢藜隨長不勝鋤道人賣雨無符呪
濃蘸隄廩畫墨猪

瘦硬通神且莫提柔毫點點任東西憑誰挂面秋風刮
櫟上家雞未下棲

高唐粉

高唐不是楚高唐神女陽臺觸著忙冰心繾綣紉千縷
束素迴環宋玉腸

太華蓮

太華蓮開玉井寒鳳皇啣入紫雲端遞與蕊珠香案吏
玉膏浸著萬年看

小瓶杏花

汎濫瑜伽半卷闌一枝紅雪能春寒老夫好色憐遲暮
摘向軍持閉眼看

石城居士歸爲燈下四章

邪坻新築石城居樓櫓礪瓏睥睨虛人道在家眞佛子
我云出世得仙儒

石城之中好讀書故紙陳言一掃除一片光明白地錦
前阿抽出後茶初

石城詩興接時春情緒千端怨也眞獨我不嫌薰染在
南州佛種此其眞

石城不是死崇墉千葉蓮花雉堞雄墨守金剛寶杵撒
水晶宮殿架其中

賡石城偈

府南重唱也無妨古佛今佛同道場但令唱得親聲出
千葉芙渠一樣香

沙城斷碑

夜半沙城月黯然秋風猶是雁連翩杜鵑不解相思死
血口空啼二月天

贈守一道人四首

鍊汞燒鉛那得仙人天小果種天緣此行弱水乘風過

張果從能坐鐵船

瑯雲刻雪不如程謫守荒壇拜斗經小小揚州尋鶴跨
秋山休作步虛聲

破衲芒屨莽出門回頭笑殺透山根龍沙八百徐開籍
記得神清是道昆

白榆根底漫敲魚放向寒山散鼻車收得銀花明是雪
纔知黃白本無書

與郭太和

旅興春愁得索郎花開花謝省人忙澤村幾樹朝來看
肺肺都成醺醖光

蘆芽

山在靜
樂縣北

五月蘆芽積雪明雪中紅葉靚娉婷
益憐無熱葡萄朶肯傍繁華醉肉屏

遊仙十首

靈芝不服服桃花海策籌添金鼎
沙龍汁食來生羽翼還從暑路集煙霞

玉齒嗎然好好陶西來金母獻蟠桃
咸池樂奏雲璈疊高集崑崙海鶴毛

醉挾青煙一道飛神仙騎得白鸞歸
寶珠如卵纔吞罷便入天門侍紫微

太華峯頭玉女盆
仙人杖策向天門
好風好雨齊天地
休理塵寰腐算論

珠庭上藥重立根
九轉深深抱命門
異草有霜無假練
海東飛采獻三元

洞中俄頃八千春
萬樹桃花且避秦
聞道秦人且道好
又移靈館避漁人

明珠如日寶冠嵌
雲笈頻抽展玉函
太上垂芒人不解
只除彭祖共巫咸

碧雲深處擁琅玕
半醉酣生銀海瀾
醒酒不須塵世餽
滿盛玉豉水晶盤

黑白形分混沌開青黃二氣妙延胎絳河僻處泥丸護
仙客陽平樹久栽
九宮行氣自推移至濶成丹妙適宜一粒大還資寶籙
世人道美不教知

離石

春風吹入小黃河煙艇流雲好棹歌却惱一絲衣帶紫
不推羶穢長青蘿

石華鮮不到河西晉謝江南石首蘢自是愴翁風味薄
吟詩記得豈其之

無題二首

老來無事可相關飯後支筇沙草間野鳥一雙紅蓼外
垂楊影裏看西山

綠雲綠霧綠珊珊冷浸幽人徹骨寒嚼雪灘頭松樺下
一峯青插半天看

孟邑北寺

柳標橫擔奈老何賓山驢背又來過耳根畢竟純音隔
字母于今解唱阿

贈陳十二首

天漢乘流馬訾涯瑾瑜玉液折樹花神仙祕術誰能得
一盞青霞浸五加

山長宮牆見百官
巖廊皋擁不知寒
閭浮金界桃蹊好
苜蓿承顏未覺酸

無題六首

白草黃榆翳海棠
琵琶彌斷錦鴟腸
桑乾河上南看月
鸞鏡孤明雁背霜

六么小令上琵琶
秋色輕輕放晚霞
沾得南隣新白墮
深斟輔屬海棠花

芭蕉涼錦美人茵
綠上酥香小簾紋
打著鸚兒不教近
醒來要認夢何人

紅醉新晴夾竹桃
鸚哥小語喚春醪
綠楊倦得眞無賴

拂住朱樓九曲橋

姊妹花牆妒殺儂爲誰憐惜恁春風若教我是渠歡底
蜀錦鮮鮮爲作棚

紅雲湛過小山西愁得儂眉小黛低一陣歸鴻風裏度
問曾帶得有青泥

可惜

畫棟流雲冉冉低孤飛野鶩度聲悽詞人亂動王生感
可惜清新到老黎

粕門

乾是詩王萬古尊只虧好景不能言渠憑顧國凌芳國

我到飛門卽柏門

青羊庵

紫雲青樹石庸廡花插牽牛小膽觚一縷沈煙縈白牖
先生正著養生書

盤礴

盤礴橫肱醉筆仙二邱一壑畫家禪蒲團參入王摩詰
石綠丹砂總不研

尋花

尋花小極臥雲涼爭戰何由到石牀錯被趾離娛老耄
淮肥風鶴報斜陽

唐林曰臺无攷夢音磴夢臺新睡起貌雪崖曰趾離夢神也作臺是段帖

本作
藝

談兵

談兵奇氣滿林風
櫛葉深紅虎度踪
老子陰符原不殺
錯教發塚悄珠空

三疊

三疊黃庭不識心
玉卮娘子一絃琴
春風塢塢迴甜雪
休姪華生戲五禽

書生

書生故紙萬重圍
暗喫椰子自大虧
好水好山來不得
眈眈漠漠落中墮

奎壁

奎壁圖書府亦雄青霜紫電并飛龍論兵自古惟儋史
恬淡全勝不敢中

風塵

風塵自古英雄少偏是陽春桃李早知音不必覓鍾期
海嶠彈琴氣始老

讀傳燈三首

逢之則喫時至行此老眞丹最上乘飛錫不截淮蔡賊
隱峯又讓李西平

奴胎婢子學家翁每見人來發癩風一自龍山庵放火

南無古佛揩芙蓉

浪破工夫費草屨隨風撒土昧幽街十年問著盧都嘴
休怪孩兒打野纏

讀金光明經

金光明經不可喧金性水性常存存夢中堅白無顛倒
豈作公孫同異論

朝陽洞

不惜麻頭一百偈雲陶沽酒撒春愁
霧花霧柳無心醉
剩水殘山慰眼饒

月下梳頭

菜圃花畦弄小鋤燒春紅醖荔奴清霜頭悶癢風新月
汎掃平陶棗木梳

唐林日蘭无攷書
音咸酒味淫也

樂平縣山遊二首

佛閣春寒興不勝溪流洗耳帶松聲秋容柳栗橫擔約
黑石紅林產一亭

十日盤旋沾水邊難消官餅野榿戀龍鍾不卦方書面
單了寒雲石馬緣

石鱧

金翠光芒孔雀汨石鱧無礙似空遊憐渠未必知逃餌
敲得鍼鈎不忍投

老耳

老耳龍東緩步車
崑山簫鼓一塘鼃
風霜禿筆還須酒
蔥蒜山房不貯茶

中秋惆悵詩八首

甲申

掩淚強開酌月筵
少年不管雪人顛
歡貪天上瓊樓月
黯殺人間霜樹園

共盼中秋夜不眠
亂離幾度看嬋娟
瓜樓紫暗冰盤側
只覺今宵月不圓

霓裳招却一人魂
看月杯盤惹客顰
好似緱山七月七
笙仙舉手謝時人

漉漉夫人拚不明連朝陰雨爲誰晴不知執塵無夷甫
浪把清光襯腕瓊

五里相看萬里遐關山明月唱誰家微雲幾點臨杯酒
朶朶偏成芍藥花

嫦娥嬌鬪木犀敷香草隨抽不甚輸艾納儘多迷疊有
一盤不備罵行胡

酒家豪興別尋題撥過伊人總不提纔欲四更月上好
窗中醉斲不能低

水光蟾影落窗西若有人窺到小籬點漆凝脂相送久
參亭河淡一聲鷄

供鳥

寒炷分衙足鴉羞我總機忘爾得鷗鷄肋魚腸如意取
竊脂不欲學黃頭

甲申八月訪道師五峯龍池不遇時道師在馬首
僞署次又立韻

樓虛松露玉函封雲鳥非遙只邑中大隱真能混清濁
令威何必在遼東
坐想崑崙也一方乾坤何處是吾鄉逍遙戀酒非耽職
地自由他天自茫

紅崖馬首舊提封驀入綏山一眺中太上忘情難可學

盆池石島浪西東

乙酉歲除八絕句

時連日夜雪

燈花黯黯不成眠也逐同人守歲筵
僵骨抱雲拚穩睡道人心上總無年

強言物舊不如新鬢點霜華泣故人
庾信滿天蕭瑟眼霓華歷亂爲誰春

餘生久矣一蜉蝣不死朱衣爲白頭
滿目山臊驅不盡何須爆竹震仇猶

梅花春信隔天涯冰霰敲窗響塞笳
帳底羔觴都有歲山城烏哺獨無家

白眼同雲一抹天冠黃正好凍焦仙無情今夜貪除酒
有約明朝不拜年

老母兒孫秉燭言明朝不是舊三元客中楚楚供青爨
雪裏深深閉小門

縱說今宵舊歲除未應除得舊臣茶摩雲卽有迴陽雁
寄得南枝芳信無

風角占年謝曉寒陰晴於我兩無干六朝豔句同誰賦
任有新雲不待看

寄家弟

不勝煩惱奈頭陀輪斲丟開舊斧柯彌勒龕前無施主

化教阿弟作檀波

以上二十一首
並在甲申集

響雪

琤琤到耳帶哀聲
喜殺田翁盼歲登
白眼一同雲淚想
罌空素甲下天兵

首

雪峯詩悼一如因之作

風流來往兩僧伽
北酒南詩一對觚
醅酹無生如解脫
筭摩苦思黯咨嗟

霜紅龕集卷十三

霜紅龕集卷十四

陽曲傅山青主

冷雲齋冰燈詩序

冰燈詩吾弟青主詩紀冰燈也弟生有寒骨於世熱
鬧事無問春側側寒輒立汾河冰上指揮淩工鑿千
畝瑠璃田供齋中燈具卽事成詩賦十有五首詩不
皆題冰燈義莫不以冰燈起也賦古詩流也統署曰
冰燈詩馮夷程材鮫人司契體物寓意雲起雪飛熱
客有見之讀不數行當毛髮鬖鬖起也傅庚題

初擬打冰作燈冰冰人手苦癢瘃時勞以酒作打

冰曲和冰人打冰

打冰打過旱西橋斷續沖沖聲在霄龜手莫愁無妙藥
郊關歷亂酒旗搖

橋南橋北水精嵌春色闌干亂入鑑紺墮山眉螺子影
紅來花勝女郎衫

冰塊皆不假造作頽兀傾欹奇醜任性少可承藉
思得古怪樹根鑿爲盆盂措之村中友人言家
藏柳根幾塊梘杙無用正欲燒火許牽車取之
乃有柬友求枯樹根作冰燈座子絕句

枯柳盤根未卽然寒齋燈夜意相牽冰心不受雕鏤巧

就著輪囷最可憐

樹根至牙槎結偃蓋人以不材見棄者稍稍依曲
就勢爲淺脣注水居吾冰其上枯寒合德眞如
方外良朋也代冰作詩曰喜木客來

木客來何暮春明愁易乖主人惡熱媚風雪訪吾儕念
我寒於石駭而醜可柴炎涼詎同好莫忘冷雲齋

復戲爲木客酬

支離匠不顧斤斧得逃殘空有作酸性實無挾炭肝自
吟賈島瘦偏叶孟郊寒青眼風塵少其惟山斗韓

冰燈成卽事成咏四絕句

銀海迷離天水光
廣寒宮殿鬪明妝
玉壺一點琅玕淚
滴斷人間煙火腸

龜甲玻璃瑣子琳
玲瓏非鑿錦非紆
山僧上榻觀空眼
廉士投錢飲水心

馮夷峻骨漾璵璠
雨色雲香鏡裏痕
綠舞紅歌無處著
一樽白墮醅清魂

鑿得清光照古人
蠹編牀上白璘霰
遺忘對此頻能記
不媿前賢雪月貧

集客賞之盤饌無
羶葷家藏雙舊碗
盛素果戎鹽
酌以苦酒素性不
飲者亦目送寒明
屢引不辭

矣笑屬客曰吾以藐姑仙子勸酒何似莫愁乎

短句紀之

家客莫辭醉鬚眉凍洛蓼從教眼盡白獨許面爲醅鹽
弄水晶影果回嫌雪甘藁禪酒寒度世方丈一同參

北地寒寢所率用煤洞使流煙內入吾與冰氏盟
不得少近薰灼木榻布被引氣自溫僵卧瞪目
猶自盼春寒也口占不寐

四壁寒光三十峰美人無豔酒無濃春宵不作桃源夢
到枕一聲霜外鐘

予既有冰燈詩數首家子繇兄曰未足以盡冰燈

之變而有賦才豈遂以寒澁蟄雕龍耶再成小
賦復兄命兄曰是足以詵擎徐庾然吾恐六朝
子墨怪子筆鋒太寒耳

憐淩精之高潔學匠石之運斤鑿櫨櫨兮積雪列亭亭
之玉人流熠燿之青焰澹明滅兮非煙渺江妃之結佩
玷夜珠於蛟宮若夫剡以俊風射以素月瑰文戢菁璫
光翺翺繚繞淞枝披紛霜葉旣連環而鱗次乍雲截而
練裂縹緲歛菡萏之峯兮三成煌崑崙之邱瑤篠翳以
便娟兮飛蜿蜒之銀虬宜陳之曲岬之堂兮照吸露之
仙流沃以白鳳之膏兮炷用芳苾之苗醉帝臺之鴛粦

兮森癯容以夷由若乃燕姬趙女黛碧鉛丹芳醕微醺
踏月來觀顧清影兮含笑心欲前而畏寒惜蘭膏之蕩
風兮奮玉手以遙遮忽珠慄而釧冷整衿帶以委蛇顰
青楊兮回睇羞豔態之窈窕

最後得冰屏子崇八尺廣厚能稱之承以青石池
人十餘許挽索而後立褻兒叫奇曰眞玉碑也
久之燈影煥霍文理陰陽隱有奇字在焉尋拈
玉碑之題

玉碑硯白虹低變幻文章太乙藜螭篆龍書人不識
寒林霜夜鬼須啼嵐波凹凸山河記日月精魂姓字題

翻憶衡山螭虎跡苦煩搜索祕昌黎

水仙功德紀磨崖天半寒雲一片來切玉瓏鬆瀕鳳
偃波刻畫巧鮎臺犀然貝闕回科斗龍捲金泥繡薜苔
千古消沈鐫不盡手捫心誦使人哀

冰共五十許塊冷雲齋物色陳之餘者散集天井
深夜白來瑩涵窗紙森森送翠響輕淨疑雪披
衣問之正月與吾冰鬬光耳靜對霜更贈答萬
狀竟不能爲剖勝負也賦得冰燈月下看

石水驕春寒紫夜玉光發霜魄黏銀灣冷映流雲滑結
璘姬光怪星箔高舉揭漉漉五夫人羽袖爭摩挹瓊林

度素魂相通晶無樾長天啟鹽笑桂煙散寒醪

今歲元宵夜青主束我曰夜有寒冰筵余往琳琅青
熒鵲鵲眼與蜻蜓翅寥冷相射於時啜酒但如啜茗
胸膈間有蕊淵夜曉火宅晨涼八字瑩徹不去顧謂
青主曰玉樓銀海句詠此方切居此者應服玄冰丸
久矣明日投小詩數章紀盛覺無煩熱氣也越數日
青主出冰燈諸體詩示讀之寒光聳紫清而上丹霞
絳雪結綠空青無不錯落淋漓視夜倍熅人青睛也
余強付之木俾清奇之士遙入冷雲齋流睠焉若曰
此縷冰巧爾斯輩將以詩窮吾將爲彼賦襴襪行梁

雲輝

余贈青主詩有善題鸚鵡賦能解鸛鶴裘句此特其
一班耳昔長吉貝宮夫人詩云高懸銀榜照青山清
涼堪老鏡中鸞秋肌稍覺玉衣寒空光貼妥水如天
似咏冰燈詩亦似咏青主詩奇奇又題

哭子詩

一

父哭子常事奈茲八十身吾猶遲浸假爾遂反其真患
難頻頻共沈緜暗暗因顛預都不訣俯仰怕爲張刻作最傷
神慧業資糧逞瑜伽梵行天若言恩愛末痛失此詞人

二

情多不知道豈有東門吳
覲覲無所怨怨孫不天呼轉
眼見孫哭又復憐其孤胡然多此亭花草教敷薈凡所
胼胝者何不隨之無視緣如丹語單單爲老夫

三

吾詩惟爾解爾句得吾憐
俯仰雙詞客乾坤兩蘖禪

吾號老蘖禪眉
卽自號小蘖禪
終年聞法佛片刻死情緣慟絕仁哥

罷於今剛十年

四

元年戊辰降十七丁甲申苦楚
張刻作
四十年矢死崇

頑人閒關相老夫書史挾黃塵侮辱兼恫脇雜遯無疏
親死忍當排解寢食安膽薪患難飽荼蓼艱貞抱精神
筋力外不惜冰炭中含嗔農圃食惟舊花柳眼不新冰
天漫吟詠熱淚澆笑嚔嗚呼尺蠖屈何處求其信人間
何容易培此草莽臣

哭忠

五

爾能飽煖我我不饑寒憂自歎于老母負米未仲由亂
離動轉徙虧爾升斗謀祖母不至餓我每暗點頭傷心
甲午除爾始解拘囚黃昏奔西村幾死固碾溝敲門祖
母見不信是爾不稍焉傾少米菜向隣家求明日是年

不稀粥寒燈篝老母舉一匙如我進庶羞相守又六年
祖母將彌留扶抱至揩拭一切代我周經以孫爲子竭
力無豫猶追憶我若死爾實令伯流吾行八十矣哭泣
早晚休老骨本恃爾爾乃不及收哭孝

六

異才眞蓋代異熟幾生還底事因緣合俄乖老我邊無
端雕虎棄一念業龍堅想到矜奇句蚪髯在目前哭才

七

爾志卽我志爾志唯吾知知之無奈何奈何以度之爾
賞我志去爾志我何爲本擬新小房支羸聊一炷風雨

老父子滋味相渴饑典竈炒芍藥一箸新鮮敲

唐林曰敲箸取

物也與敬敬別

小酒按糟醢蜜果點茶匙恬淡道書理日暮言

且厄大志不必言小志數亦奇願力再來身于何能相

遲亭子不敢過過卽頭爲低

哭志

八

落雀翁票姚從好翁堅重瘦肩每自仔扼腕期一中不
謂如此畢黯慘巖築痛去日如始至僅于易簣用所括
凶危言不得一以衆表裏山河閒倮蟲蠕蠕動幾個好
脊梁不肯翫敲佃小試于場圃陶甓礪薏趨造適似游
戲誰知非玩弄餘情寄花藥本爲老人供花藥又春風

老人付一夢歸鴻過花東飲淚而目送

哭幹力

九

法本法無法吾家文所來法家謂之野不野胡爲哉相
禪不同形惟其情與才爾每論天機不知所自偕平準
貨殖傳舉筆卽繁迴不韓亦不柳連抃而安排沈著武
侯書質實大誥該明白中原檄瑣屑金華哈一掃書袋
陋大刀闊斧裁號令自我發文章自我開豈有王霸業
潤色於輿臺珥筆多長離能當此氣摧此氣頓已矣奴
撰仍塵埃中原卷天風一燼祖龍灰

哭文章

十

八歲賦棗糜岫雪紅林思十二虹巢中蓮葉兜鍪奇十
八當乙酉一年四賦爲奇字落紙筆匠心經緯之宮商
卽不借僚佐臣子詞每云我昔作蟻螭伯仲兼嫌其太
堆纍捨去不再思

從張本

歸田登樓閒一筆書不羈豪悍

擺蕳蕊風霜爭淒其疏畧不彌縫起止唯意隨當其痛
快時傲然無成虧常笑禰正平未老氣早衰蕭瑟賦鸚
鵡非復摻搗搥樸拙嬾抽對金碧謝馬鷄寸鐵恣揮霍
光燄紛陸離不欲毗高典游戲擬飛馳雕蟲夫亦壯布

獲竟無施

哭賦

十歲讀左傳兼鈔十五風詠史日一題小紙雅雜叢庶
其得五字無乃愧父功世父摩頂跽驚人哉此童戲命

爲采蓮麗如子夜儂紅裾愛顏色笑倒曠林翁

郭九子見笑日

何徑似采蓮子夜曲也

不圖遭國變挾策竭轉蓬頓失韶秀色隔

臆蒼莽洶江山畧奇氣疏爽不事工賊多身始輕自擬

周盤龍中年漸冷淡餘波綺麗從筆性不枯槁花月捎

其穠竹木一枿閒忽見紅芙蓉高情隨所寄道心多在

中本不用小技與人爭長雄渠伊有好勝屑屑聲名封

或于柴棘篇譏罵快臨衝見之但大笑彼其買賣傭曾

見出納時十指顫如瘋疼殺一蠅血不值四字銅吾詩

如吾財信手隨西東與盡甌之墮流水拳之空今日一篇雨明日一篇風撥置不復理緘滕不濟窮刺譏徒勞心何有于之蟲老子味此言信爾好心胸偶得一半句爾耳獨圓通爾爲吾惠施吾以爲莊蒙一朝失所質邱蓋歸深松絕命飲乳篇讀之不能終老淚落篇上非血而焦紅

哭詩

十二

架上之載籍多爾細批點取舍不隨波各各具手眼逞逞破儒障深處獨能淺所謂不傳秘觸磕總不遠闊畧省蘿莎辨才捨不辨人難爾乃易人煩爾乃簡豪傑于

故紙概不敷流覽喃喃居博綜都作運糞遣及至隸事
時却又非寒儉刻燭誹諧詩稗官足遊衍嗚呼大鹵人
皆居蒼頡先痛爾非一家山川氣色滅曬書見詮評倉
皇掩其卷含淚語孫兒手澤優然展

哭書

十三

似與不似閒卽離三十年青天萬里鵠獨爾心手傳章
草自隸化亦得張索源璽法寄八分漢碑斥戲研小篆
初茂美嫌其太熟圓石鼓及嶧山領略醜中研追憶童
穉時卽縮峣嶻鐫黜黜日會通卒成此技焉傷哉疇昔
勞聊代老夫權云不能執筆疾革一日前此筆眞絕矣

硯池墨淚漣

哭字

十四

磊砢不勝描花鳥時一旦老胸之邱壑偏得爾筆寫危
峯閃濃雲風濤半天灑土塔牆上松艾納樓櫺捲氣勢
不可當直欲透梁瓦獅子一丈大哮檻飛筆下雄風震
佛座不吼百獸啞總肖爾之詩不顧人駭傻揮霍所未
快丰稜所未瀉精神抱丹青寥天乘尻馬經營幾大畫
慘淡還大治粉本應眞圖寂寞神州也

哭畫

傅眉者傅山之子也五歲失母張祖母貞耄君撫養
之七歲能小詩小賦讀左氏傳日試一題爲詠史五

言一首至十一二歲詩賦日麗十七八則爲大賦十七歲遭亂東西馳逐十年無家甲午山以飛語縲太原府獄眉羈陽曲倉倉中修定業聞祖母病飛神自倉門上櫺中倒下至西村看祖母畢仍飛還附形遂夢鐵藕開蓮華一枝行事解眉生平多異夢辛卯僑西河夢上帝召造訓狐之謠謠曰訓狐訓狐滅汝有吾鷄兔踏彈笑殺母猪是誰告汝焚惑小姑又夢小紅天者從太后行在晉府前導二幡幡一聯不全記見下半有金字云太后之簪珥不留有功者賞上帝之衣冠是復逆天者誅自負益大廿四五至三十學

縱橫旣而曰縱橫不可常權不自我遂講富強終日
讀管子商子每以古今成敗倚伏要害一日之微長
自喻取孫吳穰苴尉繚騷括不過五六百言曰不多
篇又復置之讀金剛經迴復亦撮義純用本文二百
餘言以自義申門法曰依經卽依之曰離經卽離之
曰不依不離曰亦依亦離唯所命之凡所爲詩古近
體數十百首皆不事吟風弄月之致流漾篇中如道
如禪如逸人卽事拈出有令人絕不可方物爲何等
語者或謂之野狐禪眉亦自信其野狐也凡詩文皆
標一我字于上不自其非野狐也賦曰我賦才似在

盧次梗之上嫌禰正平鸚鵡賦消索近氣餒雲中王
墳知其才試令口占之作後鸚鵡卽振筆一書數十
句文不加點奇氣橫溢而無乞憐之辭墳曰止止遂
擲筆亦不事輒收拾終篇也五十外一切詩文皆置
去不復理論唯讀釋典見沙彌以供養不平等故嗔
心入龍宮滅其龍而據其宮事曰願力之可以一快
如此哉遂發願力累劫修行先爲王霸然後爲佛卜
之佛佛許之自此遂以生死爲一體每見文士談文
暨爭朱陸之學者曰何如何卽大笑之曰我若爲
學憲時當定此等文士同異見道學亂言經濟者曰

使我作宰相時當以經濟試此輩以至于醫學者亦
曰使我得志當考此等醫士書法篆則李斯玉著隸
則孔宙宗聖侯梁鵠鍾繇楷草急就則張芝索靖二
王歐褚李北海魯公皆無所不臨畫則北宋時放筆
顛險層巒瀑布可驚可喜圖印不大爲朱文專爲白
文漢章甚精尤妙于銅者大得八分璽法之意某不
專精亦在第三品天性近于禪讀釋典輒如舊熟每
以老莊與佛書參同讀左氏春秋後稍稍讀公穀爲
時文用史自司馬以下皆細細評之宋以下不好看
也山旣集傳史而卽效班氏爲傳氏九等表附之好

議論與人辨駁如無強敵稠人廣眾中執筆橫肆數
百言其長也讀莊子有別解亦自命曰我莊子六書
會通有妙理五十六歲鬱鬱不得志以積勞憂恨成
病病卧牀且革尙有詩數十首代山題冊子詩十餘
首裴松之稱張子房青雲之士吾於麋道人亦然

古娛曰飛神卽醫經離魂之說古人精誠所通往
往如是余與先生七世孫龍麟契檢其遺書手蹟
猶存前書此記次哭子諸詩又有哭膽識哭經濟
二詩缺膽識詩僅存謀猶過賈誦膽識似荀攸句
末書題於麋道人之蛻館墨痕暗淡糊塗蓋痛極
語少倫次也彙記

上谷詩冊

振玉案此冊乃屢作說詳
年譜中姑仍劉本附此

十九夜夢觀王文成公羅念菴先生修學文王文通

不記憶羅文起句云君子之學忠信廣順忠信固成
以自治廣順亦所以自言言字模糊難辨下二語又
作焉字此時竊恐言嚴字之誤夢寐之間固當如是
哉又三燕子墮落堂中西南隅東西各一目猶瞬然
身何直立其北一則目閉腹反矣余視之惻然少時
身轉目瞬亦同二子余私慶之爲尙可救也遂覺霜
清月冷露疑作漏下四鼓矣醒後念之不置恐事關家

庭非幻境也朱君之數得無驗乎因靜觀入燕遠至
數年語默妍媸宛其在目莫不各有自然天則二君
子殆將以良知甦我乎抑思忠信兩字結髮來不敢

忽至於廣順未之能也真切余病哉近一僕忽恣肆
余惡其無禮遂欲去之口雖不言而心實介蒂因自
誦曰小人哉主翁之謂何故並及以志余過且可觸
目驚心眦勉廣順二字庶幾文成之文不至遺忘而
三燕子亦瘳乎上元甲子十二月二十日記於保定
撫署

失題

窮冬無所事獨坐向圍爐瞬目觀千古離思翻百憂堯
舜闢草萊三代繼前疇暴秦一海宇長城界北陬漢高
稱神武白登遺厥羞

白日起長歎中心有所思彼美在西方椒蘭雜蕙茝亭
亭翠羽蓋皎皎赤虬符青鸞白仙鶴乳髓紫靈芝我欲
問遺之道路修且阻稽顙復再拜日暮而踟躕

上谷元旦

秉燭起長歎吁嗟行路難資糧惟麪蕪禮樂看蹒跚景
物家家別風光歲歲闌此生須荷鍤倒地卽爲棺

失題

垂髫聆教誨末路隔遙岑久矣悲南北那堪復古今百
年幾聚首四海一傷心永齒隨鸞馭茫茫何處尋

俚言似天翁先生

朱君江右士挾策向幽燕
算術神應哭祈禳病可痊
謙遵視履□□道先賢
若寓成都市誰云不是平

自顧

自顧生何拙螳螂致此身
孩提知動忍白首尙浮沈
萬里河山眼三元甲子心
看看春又至寂寞遠山岑

失題

仲冬寒氣至草木何蕭索
游子悲故鄉遠看衆山列
山色賁天文山形威劍戟
天文洵可觀劍戟亦可慄
故國有邱園三徑饒松菊
二三田舍老茅柴對突兀
誰能坐窮山中心常鬱鬱

燈下劇談和沈翁韻

簾外風聲柝輕寒透短衣新詩快俊逸故態歎癡肥談
劇杯多傾燈殘意嬾歸感君覆尺鯉送我向南飛

傾字無仄聲讀是集多讀仄聲必
有所本觀此爲先生作無疑臧記

詞

世界恁無常向長安賣藥方鮮衣怒馬綠街幘東家酒
漿西家米糧風吹雨打何曾放細推詳銅錢總有到底
也狼當

旅夢初回寒聲競度倏有虛簷明月看看流光空過也
又是新春時節白髮飄零梅花影裏關山愁絕竈君此

日朝金闕土輶肥駟連卷碧彤庭玉砌須說下土凡臣
草茅賤士一腔熱血

燭影搖紅連珠炮響又是上元佳節女女男男都到了
天街上挨挨簇簇綠綠紅紅踏破一天明月遙憶昔日
繁華幾年兵火就裏怎生消息玉宇瓊樓今夜望敢也
是人閒鬧熱試問著風風雨雨幾時休歇

失題

冷暑清霜旅夢涼冰心殊覺愧秋陽年垂耳順還聞過
學未知天豈自強歲月已同籬菊老精魂怕逐野蓬狂
可缺

明道先生曰堯夫解他山之石可以攻玉玉者溫潤之物若兩玉相磨必難成器須是他山精厲方可磨得出譬如君子與小人處則修省畏避動心忍性增益豫防如此便道理出來誠然誠然當置之坐右時誦一過則庶乎可拜二公下風哉乙丑新正十一日識

劉紹邠傳先生享年八十餘歲郭紘傳嵇曾筠傳原本俱八十歲李又絳傳蔡璜傳俱七十九歲傳氏宗圖落雀翁下皆紀生辰忌辰先生生辰六月十二日卒年未載壽毛甲子二月初九日終陽曲志言不久青主亦卒甲子夏書示蓮書有自此絕筆語疑七十九歲爲近拾遺收上谷詩冊遂成疑案先生與魏環溪諸公書惓惓以二孫失依爲慮歲除何故遠遊正月間寓保定然京師三月不應

卽有弔文此必後人臨摹泥三元句而妄添年月
者先生七十九歲壽毛卒張刻與孫長公書署七
十八卽此類也觀事關家庭語或甲寅歲作亦未
可知且詩詞清新無復聲牙詰屈詢諸古娛亦未
詳靜生所得之爲手蹟與鈔本
也附錄詩冊以備再考彙記

霜紅龕集卷十四